

**«ԳՅՈՒՂԱԿԱՆ ՀԱՄԱՅՆՔՆԵՐԻ ԶԱՐԳԱՑՈՒՄ»  
ԾՐԱԳԻՐ**

|    |                                     |   |
|----|-------------------------------------|---|
| 1. | Ծրագրի նպատակը                      | <p>«Հայաստանի մանուկներ» հիմնադրամի (COAF) նպատակն է բարձրացնել գյուղաբնակների կյանքի որակը՝ համայնքային զարգացման երեխայակենտրոն ծրագրերի միջոցով: Հիմնադրամի համակողմանի ծրագրային մոդելը ներառում է զուգահեռաբար իրականացվող կրթական, առողջապահական, սոցիալ-հոգեբանական և տնտեսական ծրագրեր, ինչպես նաև համայնքների համար կենսական նշանակություն ունեցող ենթակառուցվածքների վերանորոգումներ, բարելավումներ: Կրթական ծրագրի նպատակն է շահառու համայնքներում առաջադեմ կրթական միջավայր ստեղծել ոչ ֆորմալ կրթական ծրագրերի միջոցով: Առողջապահական ծրագրի նպատակն է պահպանել և բարելավել գյուղերում ապրող երեխաների և մեծահասակների առողջությունը և կանխարգելել հիվանդությունների առաջացումը՝ շեշտադրելով առողջ ապրելակերպի խրախուսումը և որակյալ առաջնային առողջապահական ծառայությունների հասանելիությունը: Երեխայի և ընտանիքի աջակցության ծրագրի նպատակն է ձևավորել ամուր և հոգեպես առողջ, ինքնակազմակերպված համայնքներ, որոնք ի վիճակի են հոգ տանել համայնքի երեխաների մասին՝ ապահովելով երջանիկ մանկություն, բազմակողմանի զարգացում և խոստումնալից ապագա: ՔՈԱՖ ՍՄԱՐԹ-ի ստեղծման նպատակն է նպաստել գյուղական համայնքների արագ զարգացմանը՝ դրանք աշխարհին հաղորդակից դարձնելու միջոցով: Որպես ոչ ֆորմալ կրթական ծրագրի մաս կազմող գերազանցության կենտրոն՝ ՔՈԱՖ ՍՄԱՐԹ-ը ժամանակակից հաղորդակցային ու տեղեկատվական տեխնոլոգիաների միջոցով աշխարհի լավագույն մասնագետներին ու ռեֆորմատորներին կապում է գյուղերի հետ՝ տարածելով կրթության, առողջապահության, արվեստի, գիտության, շրջակա միջավայրի ու տեխնոլոգիայի բնագավառների առաջատար փորձն ու մեթոդները:</p> |
| 2. | Ծրագրի բարեգործական որակման նպատակը | <p>Ծրագիրը բարեգործական որակելուց հետո հիմնադրամի կողմից կնքված հարակից գործարքները և ներմուծվող բեռները կստանան հնարավորություն ազատվելու ԱԱՀ-ից, օգտվելու ՀՀ հարկերի, տուրքերի, պարտադիր վճարների գծով օրենքով սահմանված արտոնություններից, ինչը և կօգնի հիմնադրամին ավելի շատ ներդրումներ կատարել համայնքներում: Ներմուծվող բեռները կստանան օրենքով սահմանված հարկային և մաքսային արտոնություններ:</p>   |

|    |  |   |
|----|--|---|
| 3. | Բարեգործները   | Children of Armenia Fund Inc. New York, USA. 149 5th Ave., Suite 500, New York 10010, USA. և Գաբր Վ. Արմենը (149 5th Ave., Suite 500, New York 10010, USA).   |
| 4. | Ծրագիրը կատարողը   | «Հայաստանի մանուկներ» բարեգործական հիմնադրամ, ՀՎՀՀ02569972, ՀՀ, քաղ. Երևան 0001, Հյուսիսային պող. 1, 8-րդ հարկ, 24 սենյակ   |
| 5. | Ծրագրի իրականացման վայրը - բնագավառը   | ՀՀ Արմավիրի, Արագածոտնի, Լոռու, Շիրակի, Տավուշի մարզերը: Բնագավառը՝ կրթական, առողջապահական, սոցիալական:   |
| 6. | Ծրագրի բյուջեն   | Ծրագրի ընդհանուր բյուջեն կազմում է <b>4,277,820</b> /չորս միլիոն երկու հարյուր յոթանասունյոթ հազար ութ հարյուր քսան/ ԱՄՆ-ի դոլար:   |
| 7. | Բարեգործություն ստացողը  | <p><b>ՀՀ Արմավիրի մարզ՝</b> Քարակերտ, Մյասնիկյան, Լեռնագոգ, Դալարիկ, Շենիկ, Հացիկ, Վանանդ, Գետաշեն, Սարդարապատ, Արգինա, Երվանդաշատ, Բագարան և Բաղրամյան համայնքները:</p> <p><b>ՀՀ Արագածոտնի մարզ՝</b> Արտենի և Արագածավան համայնքները:</p> <p><b>ՀՀ Լոռու մարզ՝</b> Թումանյան, Դսեղ, Քարինջ, Մարց, Դեբետ, Եղեգնուտ, Վահագնի, Ձորագյուղ, Աքորի, Մեծ Այրում, Արևածագ, Անտառամուտ, Ձորագետ, Փամբակ, Վահագնաձոր, Օձուն, Ալավերդի և Վանաձոր համայնքները:</p> <p><b>ՀՀ Տավուշի մարզ՝</b> Արճիս, Պտղավան, Բերդավան, Զորական, Կոթի, Այգեհովիտ, Նավուր և Կիրանց համայնքները:</p> <p><b>ՀՀ Շիրակի մարզ՝</b> Վարդաքար, Բենիամին, Մեղրաշեն, Հոռոմ, Գուսանագյուղ, Լանջիկ և Սառնաղբյուր համայնքները:</p> |
| 8. | Ծրագրի իրականացման տևողությունը  | 01/02/2019 թ. - 31/03/2020 թ.   |
| 9. | Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը | <p><b>Տնտեսական ծրագիր - 270,000 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալ բաղադրիչները՝</b><br/>ՍՄԱԲԹ ավանի հյուրատան ձեռնարկատիրական գործունեություն<br/>Զբոսաշրջության զարգացում և այլն:</p> <p><b>Առողջապահական ծրագիր - 351.932 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալ բաղադրիչները՝</b></p> <ul style="list-style-type: none"> <li>• Գյուղական բուժհաստատությունների վերանորոգում և վերազինում</li> <li>• Դպրոցներում առողջության խրախուսում</li> </ul>  |

|  |  |   |
|--|--|---|
|  |  | <ul style="list-style-type: none"> <li>• Դպրոցական ճաշարանների վերանորոգում և սննդի, հիգիենիկ պարագաների անվճար մատակարարում: Սննդակարգի կազմում մասնագետների խորհրդով: Ճաշարաններում սանիտարական զննումներ ու կարգավորումներ և այլն</li> <li>• Բերանի խոռոչի հիգիենայի խրախուսում և անվճար ատամնաբուժական ծառայություններ երեխաներին</li> <li>• Դպրոցի ճաշարանին կից ատամակայանների (ատամների մաքրման և ձեռքերի լվացման անկյուններ) հիմնում</li> <li>• ԱԱՊ օդակի բուժաշխատողների վերապատրաստում</li> <li>• Բնակչության առողջապահական կրթում</li> <li>• Առողջ ապրելակերպի սեմինարներ և խմբակներ դպրոցներում</li> <li>• Առողջության խրախուսմանն ուղղված դրամաշնորհ դպրոցներին</li> <li>• Առողջ ապրելակերպի դասընթացավարների վերապատրաստում</li> <li>• Բնակչության զանգվածային զննումներ</li> </ul> <p><b>Կրթական ծրագիր - 688,639 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալ բաղադրիչները՝</b></p> <ul style="list-style-type: none"> <li>• Գյուղական կրթական հաստատությունների ամբողջական կամ մասնակի վերանորոգում և վերազինում</li> <li>• Մասնագիտական կողմնորոշման դասընթացներ</li> <li>• Արտադասարանային խմբակներ (սպորտ, արհեստ, արվեստ, մեդիագրագիտություն, բանավեճ, ԱՖԼԱԹՈՒՆ սոցիալ-ֆինանսական կրթություն և այլն)</li> <li>• Ամառային դպրոցներ և ճամբարներ</li> <li>• Աշակերտական խորհուրդների աջակցություն</li> <li>• Ուսանողների զարգացմանն ուղղված ծրագրեր (կրթաթոշակների տրամադրում, պրակտիկա, մենթորություն և այլն)</li> <li>• Անգլերենի ուսուցում</li> </ul> <p><b>Երեխայի և ընտանիքի աջակցության ծրագիր - 337,279 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալ բաղադրիչները՝</b></p> <ul style="list-style-type: none"> <li>• Սոցիալական աշխատողի մասնագիտական աջակցություն/խորհրդատվություն</li> <li>• Հոգեբանական ծառայություն</li> <li>• Դպրոցների հոգեբանների վերապատրաստում</li> <li>• Լոգոպեդական և հատուկ մանկավարժական ծառայություն</li> <li>• Ուսման դժվարություններ ունեցող երեխաների աջակցություն</li> <li>• Թատերական թերապիա</li> </ul> |
|--|--|---|

|  |   |
|--|---|
|  | <p>Մանկան զարգացման կենտրոնների և Արևոտ անկյունների հիմնում և աջակցություն</p> <p><b>Ենթակառուցվածքների ծրագիր - 1,224,000 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալ բաղադրիչները՝</b></p> <ul style="list-style-type: none"> <li>• Սմարթ ավանի հանրակացարանի կառուցում</li> <li>• Սմարթ ավանի բուժ. հաստատության կառուցում</li> <li>• Սմարթ սենյակների և Սմարթ ապահով սենյակների վերանորոգում և հիմնում</li> <li>• Սպորտային դահլիճների վերանորոգում</li> <li>• Դասարանների վերանորոգում</li> <li>• Խաղահրապարակների վերանորոգում</li> <li>• Մանկապարտեզների վերանորոգում</li> <li>• Ստեղծագործարանների հիմնում և վերազինում</li> <li>• Երիտասարդական կենտրոնների կառուցում/վերանորոգում և վերազինում</li> </ul> <p><b>ՔՈԱՖ ՍՄԱՐԹ ծրագիր - 1,162,538 ԱՄՆ-ի դոլար ծրագրի իրականացման ամբողջ ընթացքի համար, որը ներառում է հետևյալը՝</b></p> <p>Նախաձեռնության երկու հիմնական բաղկացուցիչներն են ՔՈԱՖ ՍՄԱՐԹ սենյակները և ՔՈԱՖ ՍՄԱՐԹ կենտրոնը: Տեղակայված լինելով համայնքային կենտրոններում և դպրոցներում՝ սենյակները միտված են համայնքի բնակիչների համար հասանելի դարձնելու Հայաստանի մանուկներ հիմնադրամի ծրագրերը և ծառայելու որպես համայնքային միջոցառումների կազմակերպման համար նախատեսված տեխնիկապես հագեցած և նորարար միջավայր ապահովող տարածք: Սենյակներում պարբերաբար կազմակերպվում են ռոբոտաշինության, մեդիագրագիտության, արվեստի, արհեստի և այլ ոլորտների ծրագրեր, ինչպես նաև շարունակական բնույթ կրող նախագծեր, ինչպիսիք են Մենք ենք մեր գյուղը, Ճանաչել զիմաստություն և այլն: Նախատեսվում է, որ սենյակներն աստիճանաբար կվերածվեն ՔՈԱՖ ՍՄԱՐԹ կենտրոնի արբանյակների, և կենտրոնի շատ ծրագրեր սենյակներում կընթանան հեռաուսուցման եղանակով:</p> <p>Կենտրոնը ՔՈԱՖ ՍՄԱՐԹ ավանի մի մասն է՝ մասնագետների ու հյուրերի համար նախատեսված հյուրատան հետ միասին: Առաջիկա տարում ավանը կհամալրվի հավելյալ ենթակառուցվածքներով՝ դառնալով ոչ ֆորմալ կրթության համալիր: ՔՈԱՖ ՍՄԱՐԹ-ի առաջարկած ծրագրերը բոլորի համար են, սակայն թիրախը 3-35 տարիքային խումբն է: Կենտրոնը հնարավորություն ունի ամեն օր ընդունելու շուրջ 500 մարդու: ՔՈԱՖ ՍՄԱՐԹ կենտրոնի ծրագրային չորս հիմնապայուներն են՝</p> <ul style="list-style-type: none"> <li>• Նորարարությունը և ստեղծարարությունը</li> <li>• Լեզուն և հաղորդակցությունը</li> <li>• Անձնային զարգացումն ու ակտիվ քաղաքացիությունը</li> <li>• Տեղական տնտեսական զարգացումը</li> </ul> <p>Կենտրոնում առաջարկվող ծրագրերն առնչվում են և՛ կրթությանը, և՛ տնտեսական զարգացմանը՝</p> |
|--|---|

ներառելով այնպիսի ոլորտներ, ինչպիսիք են գյուղատնտեսությունը, զբոսաշրջությունը, պատանիների ու մեծերի համար նախատեսված արհեստագործական ու մասնագիտական դասընթացները, սպորտն ու ֆիթնեսը, առողջապահությունը, երեխայի զարգացումն ու մեդիագրագիտությունը: Ամենօրյա դասընթացները վերաբերում են գիտությանը, բլոկչեյնին, ռոբոտիկային, ծրագրավորմանն ու կոդավորմանը, անգլերեն լեզվին, թատրոնին, երաժշտությանն ու պարին, գյուղատնտեսությանը, արվեստին, վեբ դիզայնին ու գրաֆիկական դիզայնին, հավելվածների մշակմանը: Հիմնադրամը համագործակցում է համաշխարհային ճանաչում ունեցող այնպիսի կազմակերպությունների հետ, ինչպիսին է SAP-ը՝ նպատակ ունենալով մասնագիտական ու ակադեմիական աշխարհի բարձրակարգ ռեսուրսները բերել Հայաստանի գյուղական շրջաններ: Հիմնադրամի ծրագրերի ու SAP-ի Next-Gen լաբորատորիայի միջոցով աշակերտները կօգտվեն SAP-ի կրթական ռեսուրսներից, որոնք առնչվում են վիրտուալ իրականության դիզայնին, iOS հավելվածի մշակմանը, բլոկչեյնին: Այդ թեմաները կօգնեն աշակերտներին տեխնոլոգիայի բնագավառում կարիերա կառուցել: Նախատեսված է, որ ՔՈԱՖ ՍՄԱՐԹ-ի մոդելը վերարտադրվելու է ամբողջ գյուղական Հայաստանում՝ նպատակ ունենալով ոգեշնչելու և նպաստելու հսկայական ռեսուրսներ ունեցող բնակչության զորացմանը: Մեր տեսլականն է կառուցել էլ ավելի շատ ՍՄԱՐԹ կենտրոններ, որոնք կծառայեն Հայաստանի բոլոր գյուղերին: Մեր հայաստանյան ու միջազգային գործընկերները ոգևորված են, պատրաստ են գործել և ՔՈԱՖ ՍՄԱՐԹ-ի գաղափարը դիտարկում են որպես մի մոդել, որը կարող է վերարտադրվել աշխարհի այլ երկրներում:

Կենտրոնի ծրագրերն են՝

- Այգեգործություն
- Գյուղատնտեսություն
- Նկարչություն
- Դիզայն
- Երաժշտություն
- Թվային նկարչություն
- Պար
- Արհեստ
- Լեզուներ
- Ռոբոտաշինություն
- Քաղաքացիական ակտիվության ծրագրեր
- Տեղեկատվական տեխնոլոգիաներ
- Սպորտ
- Մեդիա գրագիտություն
- Արհեստներ
- Մանկան զարգացման ծրագրեր

|     |   |   |
|-----|---|---|
|     |   | <ul style="list-style-type: none"> <li>• Ծնողավարություն</li> <li>• Սոցիալ-հոգեբանական ծրագրեր</li> <li>• Գիտություններ (մաթեմատիկա, ֆիզիկա, քիմիա, կենսաբանություն)</li> </ul> <p><b>Կազմակերպչական ծախսեր - 243,432 ԱՄՆ-ի դոլար ծրագրի իրականացման ամբողջ ընթացքի համար: Մանրամասն ներկայացված է ծրագրի 11 -րդ կետում:</b></p>  |
| 10. | <p>Ձեռք բերվելիք (ներմուծվող) ապրանքների, ծառայությունների և աշխատանքների համառոտ նկարագիրը, ծավալները, նախատեսվող գինը</p> | <p>Ծրագրի շրջանակներում նախատեսվում է ձեռք բերել 800,000 ԱՄՆ-ի դոլարին համարժեք դրամի սննդամթերք, գրասենյակային պիտույքներ, համակարգչային տեխնիկա, թարգմանչական սարքավորումներ, կահույք, բուժ. պարագաներ և սարքավորումներ, սանտեխնիկա, շինանյութ, շին. տեխնիկա, գյուղ. տեխնիկա, տրանսպորտային միջոցներ, շապիկներ, սպորտային համազգեստ, հագուստ և այլն: Ծրագրի շրջանակներում նախատեսվում է բարեգործական բեռների ներմուծում 150,000 ԱՄՆ-ի դոլարին համարժեք դրամի շրջանակներում, մասնավորապես, հագուստ, համակարգչային տեխնիկա, կահույք, բուժ. պարագաներ և սարքավորումներ, գրքեր, գրենական պիտույքներ, կենցաղային տեխնիկա, շինարարական նյութեր և այլն: Ծրագրի շրջանակներում նախատեսվում է կնքել ծառայության մատուցման պայմանագրեր 200,000 ԱՄՆ-ի դոլարին համարժեք դրամի շրջանակներում, մասնավորապես, դասընթացների կազմակերպում, տրասնպորտային ծառայություններ, սննդի մատակարարման ծառայություններ, հոգեբանական խորհրդատվության ծառայություններ, բուժ. օգնության ծառայություններ և այլն: Ծրագրի շրջանակներում նախատեսվում է կնքել պայմանագրեր կապալառուների հետ՝ նախագծային, շինարարական, հսկողական աշխատանքների կատարման համար, առողջապահական, հետազոտական, սոցիալական ծրագրերի իրականացման համար, փորձագետների մասնագիտական վերահսկողական, ուսուցողական ծառայությունների և տպագրական ծառայությունների համար:</p> <p>Ծրագրերն ավելի մանրամասն ներկայացված են ծրագրի 9-րդ կետում:</p> |
| 11. | Կազմակերպչական ծախսեր   | <p><b>Կազմակերպչական ծախսերը 01/02/2019 թ.-31/03/2020 թ. ժամանակահատվածի համար կազմում են - 243,432 ԱՄՆ-ի դոլար, որը ներառում է հետևյալ բաղադրիչները՝</b></p> <ul style="list-style-type: none"> <li>• Գրասենյակային պարագաներ - 630 ԱՄՆ-ի դոլար</li> <li>• Սպասարկում և վերանորոգում - 1,620 ԱՄՆ-ի դոլար</li> <li>• Բանկային ծախսեր - 1,440 ԱՄՆ-ի դոլար</li> <li>• Կահավորում - 5,000 ԱՄՆ-ի դոլար</li> <li>• Մերսեդես «ՎԻՏՈ» մակնիշի ավտոմեքենայի ձեռքբերում - 70,000 ԱՄՆ-ի դոլար</li> <li>• Գործուղումներ - 1,200 ԱՄՆ-ի դոլար</li> <li>• Կոմունալ հատկացումներ - 1,260 ԱՄՆ-ի դոլար</li> <li>• Կապ - ինտերնետ - 1,260 ԱՄՆ-ի դոլար</li> <li>• Իրավաբանական խորհրդատվության մատուցում - 25,200 ԱՄՆ-ի դոլար</li> <li>• ՏՏ ծառայություններ - 2,250 ԱՄՆ-ի դոլար</li> </ul>  |

|     |   |   |
|-----|---|---|
|     |   | <ul style="list-style-type: none"> <li>• Ապահովագրություն - 2,160 ԱՄՆ-ի դոլար</li> <li>• Աուդիտ - 8,000 ԱՄՆ-ի դոլար</li> <li>• Տրանսպորտային ծախսեր - 4,800 ԱՄՆ-ի դոլար</li> <li>• Այլ գրասենյակային ծախսեր - 2,157 ԱՄՆ-ի դոլար</li> <li>• Միջոցառումների կազմակերպում - 21,720 ԱՄՆ-ի դոլար</li> <li>• Հասարակայնության հետ կապեր և համագործակցության ծախսեր - 2,400 ԱՄՆ-ի դոլար</li> <li>• Մարքեթինգային և գովազդային ծախսեր - 4,000 ԱՄՆ-ի դոլար</li> <li>• Տարածքի վարձակալություն - 9,360 ԱՄՆ-ի դոլար</li> <li>• Ադմինիստրատիվ անձնակազմի աշխատավարձ - 78,975 ԱՄՆ-ի դոլար</li> </ul> |
| 12. | Համագործակցությունը պետական կառավարման, տեղական ինքնակառավարման մարմինների և այլ կազմակերպությունների հետ | Նախատեսվում է համագործակցել ՀՀ նախարարությունների, մարզպետարանների, տեղական ինքնակառավարման մարմինների, հասարակական կազմակերպությունների, բանկերի և միջազգային կազմակերպությունների հետ:  |
| 13. | Ծրագրի արդյունավետության նկատմամբ վերահսկողության մեխանիզմների նկարագրությունը                            | Ծրագրի արդյունավետության նկատմամբ վերահսկողություն իրականացվելու է ԱՄՆ-ի Children of Armenia Fund հիմնադրամի, անկախ աուդիտորական կազմակերպության կողմից, ինչպես նաև համաձայն սահմանված կարգի հաշվետվությունների ներկայացում Բարեգործական ծրագրերի համակարգման խորհրդակցական հանձնաժողովին:  |

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Տ. ԱՎԻՆՅԱՆ